



“ХӨДӨӨ АЖ АХУЙН ДАВХАР ДААТГАЛ” ХУВЬЦААТ КОМПАНИ

**“ХӨДӨӨ АЖ АХУЙН ДАВХАР ДААТГАЛ” ХК-ИЙН
ҮЙЛ АЖИЛЛАГААНЫ ТАЙЛАН**

/Хугацаа: 2015 оны 1 дүгээр сарын 01-нээс
2015 оны 9 дүгээр сарын 30-ны өдөр/




“ХӨДӨӨ АЖ АХҮЙН ДАВХАР ДААТГАЛ” ХУВЬЦААТ КОМПАНИ

1.2. Бүтэц, зохион байгуулалтын талаар

“Хөдөө аж ахуйн давхар даатгал” ХК нь Давхар даатгалын газар, Хөрөнгийн удирдлага, нөхөн төлбөрийн газар, Бизнес хөгжил, төслийн газар, Санхүү, удирдлагын газар гэсэн 4 нэгжтэйгээр үйл ажиллагаагаа явуулж ирлээ.

ТҮЗ-ийн шийдвэрлэснээр дараах бүтэц, зохион байгуулалтаар үйл ажиллагаагаа явуулж байна:






“ХӨДӨӨ АЖ АХҮЙН ДАВХАР ДААТГАЛ” ХУВЬЦААТ КОМПАНИ

1.2. Бүтэц, зохион байгуулалтын талаар

“Хөдөө аж ахуйн давхар даатгал” ХК нь Давхар даатгалын газар, Хөрөнгийн удирдлага, нөхөн төлбөрийн газар, Бизнес хөгжил, төслийн газар, Санхүү, удирдлагын газар гэсэн 4 нэгжтэйгээр үйл ажиллагаагаа явуулж ирлээ.

ТҮЗ-ийн шийдвэрлэснээр дараах бүтэц, зохион байгуулалтаар үйл ажиллагаагаа явуулж байна:





НЭГ. КОМПАНИЙН ТУХАЙ

1.1. Компани үүсгэн байгуулагдсан талаар

Монгол Улсын Засгийн газар Дэлхийн банктай хамтран 2005 оноос “Малын индексжүүлсэн даатгал” төслийг хэрэгжүүлж эхэлсэн бөгөөд 2012 онд үндэсний хэмжээнд буюу Монгол Улсын бүх аймаг, нийслэл, хотуудад малын эрсдэлийн даатгалын үйлчилгээг нэвтрүүлсэн.

2014 оны 6 дугаар сарын 13-ны өдөр Улсын Их Хурлаар Малын индексжүүлсэн даатгалын тухай хууль батлагдсанаар малын индексжүүлсэн даатгал /цаашид “МИД” гэх-/ын тогтолцоог цаашид тогтвортой үргэлжлүүлэх хууль эрх зүйн орчин бүрдсэн.

Малын индексжүүлсэн даатгалын тухай хуулийн 17, 18.1, 19.1.1 дэх зүйл заалтуудын хэрэгжилтийг ханган 2014 оны 8 дугаар сарын 28-ны өдөр Засгийн газрын 280 дугаар тогтоолоор “Хөдөө аж ахуйн давхар даатгал” хаалттай хувьцаат компани үүсгэн байгуулагдсан. Ийнхүү “Хөдөө аж ахуйн давхар даатгал” ХК нь малын индексжүүлсэн даатгалын төслийн үйл ажиллагааг орон даяар үргэлжлүүлэн хэрэгжүүлэхээр ажиллаж байна.

Сангийн сайдын 2014 оны 9 дүгээр сарын 05-ны өдрийн 192 дугаар тушаалаар компанийн дүрмийг баталж, санхүүжилтийг шийдвэрлэсэн. Санхүүгийн зохицуулах хорооны 2015 оны 1 дүгээр сарын 21-ний өдрийн 48 дугаар тогтоолоор компанийд давхар даатгалын үйл ажиллагаа эрхлэх тусгай зөвшөөрөл олгосон. Мөн Сангийн сайдын 2015 оны 2 дугаар сарын 24-ний өдрийн 35 дугаар тушаалаар компанийн дүрмийг боловсронгуй болгож шинэчлэн баталсан бөгөөд Сангийн сайдын 2015 оны 4 дүгээр сарын 23-ны өдрийн 96 дугаар тушаалаар нэмэлт, өөрчлөлт оруулж, мөрдөн ажиллаж байна. Компанийн дүрэмд эрхэм зорилго, зорилтоо тодорхойлон үйл ажиллагааны зохицуулалтаа тусган баталгаажууллаа.

Оны эхний 3 улирлын байдлаар ТҮЗ 10 удаа хуралдаж, ТҮЗ-ийн дарга, ТҮЗ-ийн нарийн бичгийн дарга, компанийн гүйцэтгэх захирлын үүрэг гүйцэтгэгч, гүйцэтгэх захирал нарыг томилох, бизнес төлөвлөгөө батлах, үйл ажиллагааны төлөвлөгөө, санхүүгийн төлөвлөгөө, худалдан авалтын төлөвлөгөө батлах зэрэг зохион байгуулалт, хөрөнгө санхүүгийн асуудлаар 30 тогтоол шийдвэр гарган тэдгээрийг хэрэгжүүлэн ажиллаа.



ХОЁР. ДАВХАР ДААТГАЛЫН ҮЙЛ АЖИЛЛАГААНЫ ЧИГЛЭЛЭЭР

2.1. 2015 оны малын индексжүүлсэн даатгалын борлуулалт, түүний бэлтгэлийг хангах чиглэлээр:

Үндэсний статистикийн хорооноос ирүүлсэн 2014 оны жилийн эцсийн мал тооллогын мэдээнд үндэслэн 2015 оны борлуулалтын улиралд ашиглах нэгж малын дундаж үнэлгээг нийслэл, 21 аймгаар боловсруулан гаргаж, 330 сумдын малын төрөл тус бүрийн болон нийт малын тоог тооцоолон гаргав.

Оролцогч даатгагч компаниудын актуарч нарт МИД-ын хураамжийн хувь хэмжээг тооцоолох аргачлалын талаар сургалт зохион байгуулж, ингэхдээ Үндэсний статистикийн хорооноос ирүүлсэн 2014 оны жилийн эцсийн малын тоо, хорогдлын мэдээ, малчин өрх болон малтай өрхийн тоо зэрэг шаардлагатай тоон үзүүлэлт, мэдээллүүдэд суурилан тооцоолол хийлгэж хураамжийн хувийг тооцуулахад 2014 онд ашигласан хураамжийн хувь хэмжээнээс маш бага зөрүүтэй дүн гарсан тул оролцогч даатгагч нар санал нэгтэйгээр 2015-2017 онд 2014 онд ашигласан хураамжийн хувь хэмжээг ашиглахаар тогтсон.

Оролцогч даатгагч компани болон даатгуулагч нарын хооронд байгуулагдах “Малын индексжүүлсэн даатгалын гэрээ”-ний загварыг МИД төслийн хуульч, олон улсын хуулийн зөвлөхтэй хамтран боловсруулж, ТУЗ-ийн 2015 оны 2 дугаар сарын 11-ний өдрийн 02/10 дугаар тогтоолоор баталлаа.

МИД-ын босго үзүүлэлтийг Засгийн газраас тогтоож байхаар Малын индексжүүлсэн даатгалын тухай хуульд заасны дагуу тогтоолын төслийг бэлтгэн боловсруулж Засгийн газрын 2015 оны 3 дугаар сарын 30-ны өдрийн 123 тоот тогтоолоор батлуулав.

“Хөдөө аж ахуйн давхар даатгал” ХК-ийн ТУЗ-өөс өгсөн чиглэлийн дагуу 2015 оны МИД-ын борлуулалтын улиралд оролцох эсэх талаар саналыг 2014 оны МИД төсөлд оролцсон 7 даатгалын компанийд хүргүүлэхэд “Номин даатгал” ХХК оролцоогоос татгалзаж, “Бодь даатгал” ХХК, “Монгол даатгал” ХХК, “Монре даатгал” ХХК, “МИГ даатгал” ХХК, “Практикал даатгал” ХХК болон “Тэнгэр даатгал” ХХК-иуд оролцох тухай албан хүсэлтээ ирүүлсэн. Хүсэлтээ ирүүлсэн даатгалын 6 компаниас 2015 оны МИД-ын борлуулалтын төлөвлөгөөг авч нэгтгэхэд 17230 малчин өрхийг даатгалд хамруулж 1 тэрбум 480 сая төгрөгийн хураамжийг төвлөрүүлэхээр төлөвлөсөн.



“ХӨДӨӨ АЖ АХУЙН ДАВХАР ДААТГАЛ” ХУВЬЦААТ КОМПАНИ

Борлуулалтын төлөвлөгөөнд үндэслэн оролцогч даатгалын компаниудын зардлаар нийт 44 мянган ширхэг МИД-ын баталгааг “Мөнхийн үсэг” ХХК-иар хэвлүүлж, орон нутаг, даатгалын төлөөлөгч наарт хүргүүлэх ажлыг зохион байгууллаа.

2015 оны борлуулалтын улиралд ашиглагдах программ хангамжийг МИД төслийн зөвлөхүүдтэй хамтран шийдвэрлэж, даатгалын төлөөлөгч нарын бүртгэл болон бусад тоон мэдээллүүдийг бэлтгэн орууллаа. Мөн программ хангамжийг туршиж орон нутагт ашиглахад гарч болзошгүй алдаа байгаа эсэхийг шалгаж, бүртгэл тооцооллын алдаагүй, хэвийн ажиллах тал дээр хяналт тавьж ажиллаа.

МИД-ын 2015 оны борлуулалтын улирал 4 дүгээр сарын 15-ны өдөр эхэлсэнтэй холбогдуулан даатгалын компаниудтай санал солилцсоны үндсэн дээр 2015 оны “МИД-ын алдагдал зогсоох давхар даатгалын гэрээ”-нд өөрчлөлт оруулж тухайн жилийн борлуулалтын улирлыг 7 дугаар сарын 16-ны өдрийг хүртэл зохион байгуулахаар болсон.

МИД-ын 2015 оны борлуулалтын улирлын хаалтын үйл ажиллагааг эхлүүлж, оролцогч даатгалын компаниудийн борлуулалтын дүн мэдээг нэгтгэн, программын дүнтэй тулгах, илэрсэн алдаа дутагдлыг засаж залруулж ажилласан. Мөн оролцогч даатгалын компаниудаас 2015 ашиглагдсан даатгалын баталгааны бүртгэлийг авч тулгалт хийж хяnav.

МИД-ын 2015 оны борлуулалтын улирал дууссантай холбогдуулан оролцогч даатгалын компаниудын борлуулалтын багцыг гаргаж, “Хөдөө аж ахуйн давхар даатгал” ХК-ийн давхар даатгалын хураамжийн хэмжээ болон Хамтын эрсдэлийн сангийн хэмжээг тооцоолон гаргасан.

2.2. МИД-ын эрх зүйн орчныг бүрдүүлэх, бүтээгдэхүүнийг сайжруулах чиглэлээр:

МИД-ын эрх зүйн орчныг бүрдүүлэх ажлын хүрээнд Сангийн яам болон Санхүүгийн зохицуулах хорооны хамтарсан “Хамтын эрсдэлийн сангийн журам” болон “МИД-ын хураамжийн журам”-ыг боловсруулан батлуулахад шаардлагатай тоон мэдээлэл болон оролцогч талуудын саналыг нэгтгэн Санхүүгийн зохицуулах хороонд хүргүүлж хамтран ажиллалаа.

МИД-ын нөхөн төлбөр олгох журмын төслийг боловсруулан бэлэн болгосон ба энэхүү журам нь Санхүүгийн зохицуулах хорооны дарга, Сангийн сайд нарын хамтран батлах “Давхар даатгалын компанийн санг бүрдүүлэх, байршуулах,



“ХӨДӨӨ АЖ АХУЙН ДАВХАР ДААТГАЛ” ХУВЬЦААТ КОМПАНИ

“Давхар даатгалын компанийн санг бүрдүүлэх, байршуулах, зарцуулах журам”-ын тухайд компанийн зүгээс Санхүүгийн зохицуулах хороотой харилцан ярилцаж ажилласны үр дүнд 9 дүгээр сарын 30, 10 дугаар сарын 01-ний өдрүүдэд СЗХ-ны Даатгалын газрын дарга, ахлах хянан шалгагч наrtай хамтран боловсруулж бэлэн болголоо.

Оролцогч даатгагч нараас ирүүлсэн саналд үндэслэн МИД-ын нөхөн төлбөрийн доод хэмжээг 20 хувь байсныг өөрчилж малчны төлсөн хураамжийн 35 хувь буюу цэвэр хураамжийн 50 хувиар тооцож олгож байхаар тогтов. Даатгалын тохиолдолд үүсэх үед олгох нөхөн төлбөрийн доод хэмжээ нь хэт бага байдлыг засссан.

Өнгөрсөн жилүүдэд МИД-ын төслийн нэгжтэй хамтран ажиллаж ирсэн ХААН банк болон Төрийн банктай МИД-ын чиглэлээр хамтын ажиллагаагаа үргэлжлүүлэх хүсэлт тавьсны үндсэн дээр МИД-д хамрагдсан малчдад малчны зээлийн хөнгөлөлт үзүүлэх болон МИД-ын хураамжийн зээл олгох зорилготой “Хамтын ажиллагааны гэрээ”-г байгуулан ажилласан.

Хамтран ажиллагч банкуудаас хураамжийн болон хөнгөлөлттэй зээлийг мэдээг авч нэгтгэн гаргав. Төрийн банк 2015 оны 4 дүгээр сарын 10-ны өдрөөс эхлэн хураамжийн зээлийг өгсөн ба 4 дүгээр сарын 10-ны өдрөөс 6 дугаар сарын 30-ны өдөр хүртэл Баянхонгор, Хөвсгөл, Өмнөговь, Сүхбаатар, Завхан аймгийн нийт 22 малчинд 77,900,000 /далан долоон сая есөн зуун мянган/ төгрөгийн зээлийг олгосон байна. ХААН банк 2015 оны 4 дүгээр сарын 1-ний өдрөөс 6 дугаар сарын 30-ны өдрийн хооронд Архангай, Булган, Дорнод, Сүхбаатар, Хэнтий аймгийн 11 малчинд 3,574,150 /гурван сая таван зуун далан дөрвөн мянга нэг зуун тавин/ төгрөгийн хураамжийн зээл олгосон байна. Мөн 2015 оны 1 дүгээр сарын 01-ний өдрөөс 6 дугаар сарын 30-ны өдрийн хооронд 317 малчинд 1,439,258,250 /нэг тэрбум дөрвөн зуун гучин есөн сая хоёр зуун тавин найман мянга хоёр зуун тавин/ төгрөгийн малчны хөнгөлөлттэй зээлийг олгосон байна.

МИД-ын борлуулалтын сувгийг нэмэгдүүлэх зорилгоор арилжааны банкийг МИД-ын зуучлагчаар ажиллуулах судалгааг хийж, хөдөө орон нутагт хамгийн олон салбар нэгж бүхий ХААН банк, Төрийн банктай хамтран ажиллах хүсэлт тавьсан бөгөөд ХААН банкны зүгээс 2015 онд зуучлагчаар ажиллахаас татгалзсан.

МИД-ын бүтээгдэхүүнийг цаашид арилжааны банкаар дамжуулан борлуулах асуудлаар ХААН банкны холбогдох албан тушаалтнуудтай 7 дугаар сарын 28, 8 дугаар сарын 31-ний өдрүүдэд 2 удаа уулзалт зохион байгуулж, МИД-ын зуучлагчаар ажиллах саналыг дахин тавьж, саналаа солилцлоо. ХААН банкны зүгээс одоогоор МИД-ын бүтээгдэхүүний судалгааг хийж байгаа бөгөөд МИД-ын бүтээгдэхүүнийг зуучлах хамтын ажиллагааны гэрээ байгуулах хүсэлтэй байгаагаа илэрхийлээд байна.



“ХӨДӨӨ АЖ АХУЙН ДАВХАР ДААТГАЛ” ХУВЬЦААТ КОМПАНИ

Төрийн банкны байгууллагын банкны мэргэжилтэнтэй уулзалт зохион байгуулж МИД-ын зуучлагчаар ажиллах саналыг тавьсан ба хамтран ажиллах саналаа мөн албан тоотоор хүргүүлсэн. Төрийн банкнаас давхардуулан даатгасан малчдын хураамжийг буцаах боломжгүй, уг асуудал банкинд нааштайгаар шийдвэрээ МИД-ын бүтээгдэхүүнийг зуучлалаар борлуулах боломжтой гэсэн ба “Хөдөө аж ахуйн давхар даатгал” ХК-ийн зүгээс арилжааны банкны МИД-ын программд оруулсан бүртгэл хүчингүй болох, хөөн хэлэлцэх хугацааг 14 хоног болгосноор Төрийн банк хамтран ажиллах боломжтой гэсэн хариу өгсөн байна.

Төрийн банкны тавьсан хүсэлтийн дагуу МИД-ын зуучлагчаар ажиллах журамд нэмэлт, өөрчлөлт оруулж Давхар даатгалын газрын дарга болон Гүйцэтгэх захирлын орлогчоор хянуулав. Уг журмыг оролцогч даатгагчдын МИД хариуцсан мэргэжилтнүүдэд явуулж санал авч бэлэн болгосон.

Хөдөө орон нутагт орон тооны ба орон тооны бус ажилтан ажиллуулах, Олон улсын хандивлагч байгууллагын тусlamжтайгаар тэдгээр ажилтнуудыг санхүүжүүлэх боломжийг судлаж, үйл ажиллагааны зардалыг тооцож гарган компанийн удирдлагуудад танилцуулж тухайн судалгаан дээр үндэслэн танилцуулга бэлтгэн Дэлхийн банкны төлөөлөл болон Швейцарийн хөгжлийн агентлагтай тус тус уулзалт хийсэн. Хөдөө орон нутагт салбар байгуулах тухай танилцуулгыг англи хэл дээр бэлтгэв.

2.3. 2015 оны МИД-ын борлуулалтыг эрчимжүүлэх чиглэлээр:

“Хөдөө аж ахуйн давхар даатгал” ХК-ийн зүгээс:

МИД-ын борлуулалтын үйл ажиллагаанд орон нутгийн зүгээс дэмжлэг үзүүлэх зорилгоор Сангийн сайд 2015 оны 5 дугаар сарын 19-ний өдрийн 8-1/3006 тоот, Хүнс Хөдөө Аж Ахуйн сайд 2015 оны 5 дугаар сарын 21-ний өдрийн 01/1627 тоот албан бичгийг тус тус аймгийн Засаг дарга нарт хүргүүлэв. Албан бичигт орон нутагт МИД-ын борлуулалтыг нэмэгдүүлэх, үйл ажиллагааг эрчимжүүлэх, Малын индексжуулсэн даатгалын тухай хуулийн хэрэгжилтийг ханган ажиллах талаарх чиглэлийг тусгасан.

2015 оны МИД-ын борлуулалт болон компанийн үйл ажиллагааг орон нутагтай холбох, идэвхжүүлэх зорилгоор ажилтнуудад орон нутгийг бүс, аймгаар хуваарилан өгч орон нутгийн удирдлага болон даатгалын компанийн төлөөлөгчидтэй холбогдон МИД-ын үйл ажиллагааг идэвхжүүлэх чиглэлээр зөвлөмж хүргүүлж, мэдээлэл, арга зүйгээр ханган ажиллалаа.

2015 оны МИД-ын борлуулалтын мэдээг 15 хоног тутам даатгалын компанийн салбаруудаас авч нэгтгэн холбогдох талуудад хүргүүлэн ажилласан. Даатгалд хамрагдах 9100-0770, 9807-0770 утсаар МИД-д хамрагдах хүсэлтэй



“ХӨДӨӨ АЖ АХУЙН ДАВХАР ДААТГАЛ” ХУВЬЦААТ КОМПАНИ

малчдаас дуудлага хүлээн авч тухайн аймаг, сумын даатгалын төлөөлөгчидтэй холбон ажиллаа.

Компанийн ажилтнууд аймаг, сумдын Мал эмнэлэг үржлийн тасгийн МИД хариуцсан мэргэжилтнүүд, даатгалын компанийн аймаг дахь салбар болон даатгалын төлөөлөгч нартай утсаар холбогдох, борлуулалтын төлөвлөгөө, түүний биелэлтийн явц, МИД-ын хураамжийн зээл, борлуулалтад нөлөөлж байгаа шалтгааны талаар асууж, зөвлөгөө өгч, арилжааны банкнуудаас өгч буй малчны зээлийн хөнгөлөлт, хураамжийн зээлийн тал дээр гарч буй хүндрэлтэй асуудлуудыг шийдвэрлэх арга хэмжээ авч ажилласан.

МИД-ыг борлуулж байгаа даатгалын төлөөлөгчдийг идэвхжүүлж урамшуулах, туршлага солилцуулах, борлуулалтыг нэмэгдүүлэх зорилгоор 2015 онд борлуулалт хийх эрх авсан нийт 1629 даатгалын төлөөлөгчдийн дунд болзолт уралдаан зарлаж, холбогдох мэдээллийг даатгалын компани, төлөөлөгч нарт хүргүүлэн, дүгнэж ажиллаа. 2015 оны улсын Манлай нэг даатгалын төлөөлөгч болон нийт 18 Аймгийн тэргүүний даатгалын төлөөлөгчдийг шалгаруулан шагнаж урамшууллаа. Улсын манлай, Аймгийн тэргүүний даатгалын төлөөлөгч тус бүр өргөмжлөл мөнгөн шагналыг даатгалын компанийн аймаг дахь салбараар нь дамжуулан хүргүүлж гардуулав.

Цөөн малтай малчин өрхүүдийн малыг даатгалд хамруулах зорилгоор нэмэгдэл хураамж олгоход шаардлагатай тооцооллуудыг хийж танилцуулан, талуудыг холбон гэрээ байгуулах ажлыг зохион байгуулав. Мөн үүнтэй холбоотойгоор борлуулалтын бүртгэлийг хэрхэн хөтлөх, хураамж хэрхэн тооцох талаар зааварчилгааг даатгалын компани, салбар, төлөөлөгчдөд хүргэж ажиллалаа.

МИД-ын төсөл хэрэгжүүлэх нэгжтэй хамтран:

Хөдөө орон нутагт МИД-ын талаар сурталчлан таниулах, ач холбогдлыг малчдад ойлгуулах зорилгоор 19 аймгийн төсөл хэрэгжүүлэх нэгжийн аймаг дахь салбарын хуучин ажилчдыг 6 дугаар сараас 8 дугаар сарын хооронд түр гэрээлэн сумдаар ажиллуулсан.

Малчдад МИД-ын төсөл хэрэгжүүлэх нэгж болон “Хөдөө аж ахуйн давхар даатгал” ХК-ийн үйл ажиллагааны талаарх мэдээллийг хүргэх зорилгоор Төсөл хэрэгжүүлэх нэгжээс доорх сурталчилгааны хэвлэх материалыг оролцогч даатгалын компаниудаар дамжуулан малчдад хүргэлээ.

- Малын даатгалын сонин /120 000 ширхэг/;
- 2014-ны МИД-д хамрагдсан малчдад өгөх цаг тооны бичиг;
- “Хөдөө аж ахуйн давхар даатгал” ХК болон МИД-ын төсөл хэрэгжүүлэх нэгжийн талаар малчдад зориулсан товхимол;
- Телевиз болон радио шторк /МИД-ын борлуулалтын улирлын талаар/;



“ХӨДӨӨ АЖ АХҮЙН ДАВХАР ДААТГАЛ” ХУВЬЦААТ КОМПАНИ

9 дүгээр сарын 04-ний өдөр МИД төслөөс семинар зохион байгуулж орон нутагт ажилласан сургагч багш нарын тайлан хэрэгжилт болон борлуулалтын явцад гарсан хүндрэлтэй асуудлын талаар санал солилцов.

2.4. МИД-ЫН 2014 ОНЫ ДААТГУУЛСАН МАЛЧДАД НӨХӨН ТӨЛБӨР ОЛГОХ, ОРОЛЦОГЧ ДААТГАЛЫН КОМПАНИУДАД АШИГ ХУВААРИЛАХ ЧИГЛЭЛЭЭР:

Үндэсний статистикийн хорооноос зохион байгуулсан 2015 оны хагас жилийн мал тооллогын дүнд үндэслэн 2014 онд МИД-д хамрагдсан малчдад олгох нөхөн төлбөрийн хэмжээг тооцоолон 7 аймгийн 12 сумын нийт 1291 малчдад 62,846,217 /жаран хоёр сая найман зуун дөчин зургаан мянга хоёр зуун арван долоон/ төгрөгийг олгосон байна.

Даатгалын компаниудад нөхөн төлбөр авах малчдын мэдээ болон нөхөн төлбөр олгох удирдамжийг явуулав. Мөн Малын даатгалын нөхөн төлбөрийн данснаас хуваарилах ашиг болон баталгаат нөөцийн данснаас хуваарилах ашгийн хэмжээг даатгалын компани тус бүрт нь танилцуулж даатгалын компанийн дансанд шилжүүлсэн.

Төслийн удирдах хорооны шийдвэрийн дагуу МИД-ЫН 2014 оны Хамтын эрсдэлийн сангаас үлдсэн нийт 624,821,459 /зургаан зуун хорин дөрвөн сая найман зуун хорин нэгэн мянга дөрвөн зуун тавин есөн/ төгрөгийг /хүүгийн орлогын хамт/ 2014 оны МИД-ЫН борлуулалтын улиралд оролцсон даатгалын компаниудад ашиг хэлбэрээр хуваарилсан.

2.5. Орон нутагт хүрч ажиллах чиглэлээр:

Орон нутгийн удирдлагууд, малчид, мал бүхий иргэдэд “Хөдөө аж ахуйн давхар даатгал” ХК-ийн үйл ажиллагааг сурталчлах, 2015 оны МИД-ЫН борлуулалтын үйл ажиллагаатай танилцах, идэвхжүүлэх, оролцогч даатгалын компаниудын салбарууд, даатгалын төлөөлөгчдийн МИД-ЫН борлуулалтын ажлын явцтай танилцах, зөвлөгөө өгөх, мэдээллээр хангах зорилгоор Гүйцэтгэх захирлын орлогч Б.Даажамбаар ахлуулсан 6 хүний бүрэлдэхүүнтэй ажлын хэсэг 2015 оны 6 дугаар сарын 08-ны өдрөөс 19-ний өдрүүдэд Баянхонгор, Говь-Алтай, Завхан, Хөвсгөл, Булган, Орхон аймгуудад ажиллалаа. Ажиллах хугацаандаа даатгалын компаниудын салбарын захирал, даатгалын төлөөлөгчид, аймаг, сумдын засаг дарга, орлогч дарга нар болон малчидтай уулзалт зохион байгуулж МИД-ЫН явц, тулгарч буй бэрхшээл хүндрэл зэрэг асуудлуудтай танилцан, зөвлөгөө өгч мэдээлэл болон ойлголцлын зөрүүг тогтоон арилгах арга хэмжээ авлаа.

2015 оны 4 дүгээр сард Хэнтий, Дорнод, Сүхбаатар аймгуудад гарсан түймрийн улмаас бий болсон нөхцөл байдал, эдгээр аймгуудын МИД-ЫН үйл



“ХӨДӨӨ АЖ АХУЙН ДАВХАР ДААТГАЛ” ХУВЬЦААТ КОМПАНИ

ажиллагаатай танилцах зорилгоор компанийн ТҮЗ-ийн гишүүн Н.Баяртсайхан 2015 оны 5 дугаар сарын 11-ний өдрөөс 21-ний өдрүүдэд албан томилолтоор ажиллалаа.

Санхүүгийн зохицуулах хорооны орон тооны гишүүн бөгөөд дэд дарга Э.Батболд 2015 оны 6 дугаар сарын 08-ны өдрөөс 14-ний өдрүүдэд Баянхонгор аймагт зохион байгуулагдсан “1000 малчны өдөрлөг”, “МИД-ын зөвлөгөөн”-д оролцож МИД-ын оролцогч даатгалын компанийн салбар нэгийн удирдлагууд болон даатгалын төлөөлөгчидтэй санал бодлоо солилцож, зөвлөгөө өгч ажилласан.

Гүйцэтгэх захирал Г.Энхтайван 6 дугаар сарын 30-ны өдрөөс 7 дугаар сарын 06-ны өдрүүдэд Сүхбаатар аймагт, Давхар даатгалын газрын дарга Т.Оюунбат 6 дугаар сарын 23-ны өдрөөс 26-ны өдрүүдэд Дундговь аймагт, МИД-ын төслийн ажилтан Ц.Мандах-Эрдэнэ 6 дугаар сарын 21-ний өдрөөс 23-ны өдрүүдэд Хэнтий аймагт тус тус албан томилолтоор ажиллав.

Борлуулалтыг эрчимжүүлэх, компанийн үйл ажиллагааг сурталчлах зорилгоор компанийн ажилтнууд 7 дугаар сарын 01-ний өдрөөс 7 дугаар сарын 05-ны өдрийн хооронд Хөвсгөл аймагт, үр тарианы даатгалын бүтээгдэхүүн бий болгохтой холбоотойгоор мэдээлэл цуглуулахаар 9 дүгээр сарын 01, 02-ны өдрүүдэд Сэлэнгэ, Дархан-Уул аймгуудад, нөхөн төлбөрийг сурталчлах, телевизийн нэвтрүүлэг бэлтгэх зорилгоор 9 дүгээр сарын 23, 24-ны өдрүүдэд Архангай аймагт тус тус албан томилолтоор ажиллав.

Хөдөө орон нутагт МИД болон компанийн үйл ажиллагааг хариуцан тогтвортой хэрэгжүүлэх тогтолцоог хэрхэн бий болгох талаарх судалгааг эхлүүлэх зорилгоор МИД төслийн зарим орон нутгийн зохицуулагч наrtай уулзаж туршлага судалсан.

2.6. Олон улсын давхар даатгалд даатгуулах чиглэлээр:

Компанийн гүйцэтгэх захирлын орлогч Б.Даажамба Сингапур улсад албан томилолтоор ажиллаж “SwissRe”, “Canopius Asia” зэрэг олон улсын давхар даатгагч нарын удирдлагуудтай уулзаж хоёр байгууллагын хамтын ажиллагааг эхлүүлэх, давхар даатгалын үйл ажиллагааны чиглэлээр туршлага солилцох зэрэг асуудлаар удирдлагын төвшинд санал солилцсон.

МИД-ын эрсдэлийн дунд болон дээд түвшиний тодорхой хэсгийг олон улсын давхар даатгалд хамруулах хэмжээг тооцоолон гаргаж, үнийн саналыг дараахи байдлаар авсан.



“ХӨДӨӨ АЖ АХУЙН ДАВХАР ДААТГАЛ” ХУВЬЦААТ КОМПАНИ

Эрсдэлийн дунд түвшин:

Оролцогч даатгалын компаниудын ирүүлсэн борлуулалтын төлөвлөгөөний дагуу 2015 оны МИД-ын нийт хураамжийн хэмжээг 1.48 тэрбум төгрөг буюу 800.0 мянган ($1\$=1920\text{₮}$) ам.долларт хүрнэ гэсэн урьдчилсан тооцоолол гарсан. МИД-ын эрсдэлийн дунд түвшинд нийт үнийн санал авах хэмжээг **нийт даатгалын хураамжийн 50% давсан 130%** болон **45% давсан 135%** гэсэн 2 түвшинд авахаар тооцоолж “QatarRe”, “Allianz SE”, “SCOR” зэрэг давхар даатгалын компаниуд руу үнийн санал ирүүлэх албан захиаг бэлтгэн хүргүүлсэн.

Эрсдэлийн дээд түвшин:

Давхар даатгалын газрын зүгээс 2015 оны МИД-д хамрагдсан нийт үнэлгээг 31.6 тэрбум төгрөг буюу 16.45 сая ($1\$=1920\text{₮}$) ам.доллартай тэнцүү байна гэж тооцож, МИД-ын эрсдэлийн дээд түвшний хувьд **нийт даатгалын үнэлгээний 0.30% давсан 3.41%** хүртэлх хэмжээгээр олон улсын давхар даатгалд хамруулах үнийн санал авах албан захиаг “Allianz SE”, “SwissRe”, “Paris Liberty” болон “Canopius Asia” гэсэн олон улсын давхар даатгагчид руу явуулсан. Олон улсын давхар даатгагч нараас ирүүлсэн үнийн саналыг нэгтгэн компанийн ТҮЗ-д танилцуулан шийдвэр гаргууллаа.

ТҮЗ-ийн 2015 оны 8 дугаар сарын 13-ны өдрийн 02/28 тоот тогтоолоор МИД-ын эрсдэлийн дунд түвшний даатгалын тэргүүлэгч давхар даатгагчаар “Куатар рэ” /Qatar Re/ компанийг, дагалдуулан “СКОР” /SKOR/ компанийг, дээд түвшний даатгалын давхар даатгагчаар “Кэнөүптус Эшиа” /Canoptus Asia/ компанийг тус тус сонгон давхар даатгалын гэрээ байгуулахыг зөвшөөрсөн.

2.7. МИД-ын программ хангамжийн чиглэлээр:

7 дугаар сарын 01-ний өдөр МИД-ын онлайн программыг нээлттэй байршуулсан ба оролцогч зургаан даатгалын компанийд нэвтрэх эрх болон гарын авлагыг хүргүүлсэн. Орон нутгийн салбаруудаар программын баазад орсон төлөөлөгчийн нэрсийг шалгуулж дутуу нэрсийг орууллаа.

Орон нутгийн салбаруудын эрхийг нээхдээ устгах эрхийг дутуу нээсэн, хуудас олгоход гарч байсан техник алдаа, малчдын регистерийн алдаатай бүртгэл, даатгуулсан огноо буруу оруулсан, малын тоог буруу оруулсан бүртгэл, давхардаж даатгуулсан малчдын мэдээлэл, тайлан гаргахад нийт тоо болон баганын дүн буруу гарч байсан зэрэг программд гарч байсан алдааг засуулж ажилласан.

Хуудасны жагсаалт, борлуулалтын жагсаалт, орлогын жагсаалтыг эксел файл руу хөрвүүлдэг болгох, борлуулалтын жагсаалтанд МЭД-ын дүн, нийт хураамж, даатгалын компанийн үйл ажиллагааны зардлын дүн, хөнгөлөлтийн дүнгийн нийт дүнг доод мөрөнд харуулдаг болгох, 3000-аас дээш тооны малаа



даатгуулсан малчдын малын тоог шалгах, бод малын тоо 300-аас дээш даатгасан малын тоог шалгах зэрэг тохируулгыг хийв.

Оролцогч даатгалын компанийн салбаруудад утсаар МИД-ын программ ашиглахад гарсан алдаа, хүндрэлийн талаар тайлбарлаж зөвлөгөө өгч ажиллаа.

Вэб программд шинээр тайлангууд нэмж боловсруулсан ба шинээр боловсруулсан тайланг харах эрхийг даатгалын компанийн салбаруудын эрхийн тохиргоон дээр нэмж оруулсан.

ГУРАВ. БИЗНЕСИЙН ХӨГЖИЛ, ТӨСЛИЙН ЧИГЛЭЛЭЭР

3.1. Даатгалын зах зээлийн эрсдэлийн судалгаа болон хөдөө аж ахуйн даатгалын шинэ бүтээгдэхүүн боловсруулах, судалгааг хийх чиглэлээр:

Өнгөрсөн жилүүдэд хурдацтай өсч буй олон улсын давхар даатгалын хураамжийн тодорхой хэсгийг дотооддоо үлдээх зорилгоор Сангийн яам болон Санхүүгийн зохицуулах хорооны зүгээс Үндэсний давхар даатгалын компанийг үүсгэн байгуулах, эхлүүлэх бодлогын хүрээнд “Хөдөө аж ахуйн давхар даатгал” ХК-ийн үйл ажиллагааны чиглэлийг өргөжүүлж, хөрөнгө оруулалтын сан, олон улсын хөрөнгө оруулагч нараас хөрөнгө татах замаар “Үндэсний давхар даатгал” ХК болон өргөжих талаар судалгааны ажлыг хийж эхлээд байна.

Улсын Их Хурлаас Үрийн тариалангийн даатгалын тухай хуулийг 1999 онд баталсанаар даатгалын компаниуд үрийн тариалангийн талбайг албан журмаар даатгах эрх зүйн орчин бүрдсэн байдаг. Өнөөдрийн байдлаар үрийн тариалангийн даатгалын тухай хуулийн хэрэгжилт хангалтгүй байгаа бөгөөд энэхүү даатгалын бүтээгдэхүүнийг зах зээлд шинээр нэвтрүүлэх талаар холбогдох байгууллагуудтай урьдчилан тохиролцож санал солилцон, судалгааны ажил явуулж байна.

Компанийн цаашдын үйл ажиллагааны зорилтын хүрээнд тариалангийн салбарын хууль эрх зүйн орчин ямар байгаа, гадаадын ижил төстэй орнууд уг төрлийн даатгалыг яаж хийдэг, манай улсад нэвтрүүлэх тохиромжтой бүтээгдэхүүн, энэ төрлийн бизнес эрхлэгч этгээдүүдэд тохиолддог эрсдэлийн судалгаа зэргийг хийж шинэ бүтээгдэхүүний төвшинд санал боловсруулж, танилцуулга бэлтгэлээ.

Санхүүгийн зохицуулах хороо, Монголын Даатгагчдын Холбоонд газар тариалангийн даатгалын хэлбэрийн зөвшөөрөлтөй байгууллагуудын талаар мэдээлэл, тус байгууллагуудын даатгалын гэрээ болон туршлагын талаар мэдээлэл авлаа. Газар тариалангийн даатгалын бүтээгдэхүүний хариуцан ажиллаж байсан мэргэжилтэнүүдтэй уулзаж туршлагын болон давхар даатгалын гэрээний хэрэгжилтийн талаар мэдээлэл авсан.



“ХӨДӨӨ АЖ АХУЙН ДАВХАР ДААТГАЛ” ХУВЬЦААТ КОМПАНИ

ХБНГУ-ын нэр хүндтэй “Мюних Re” давхар даатгалын компанийтай урьдчилсан байдлаар зах зээлийн суурь мэдээлэл өгч, санал солилцон хамтын ажиллагааны санамж бичиг зурахаар болсон. Мөн АНУ, ОХУ, Малави, Казахстан зэрэг улсын газар тариалангийн даатгалын тогтолцоо, алдаа, туршлагын талаар мэдээлэл цуглуулав.

Үрийн тариалангийн даатгалын олон жилийн дадлага туршлагатай улс орнууд хэрхэн яаж эрсдэлийн менежментийг хийсэн түүх, арга барилын тухай мэдээлэл цуглуулах талаар удирдлагаас өгсөн үүрэг чиглэлийн хүрээнд Канад улсын туршлага, мэдээлэл бүхий материал бэлтгэн компанийн шэйр дээр байршуулав.

Үрийн тариалангийн даатгалын бүтээгдэхүүний нөхөн төлбөрийн тал дээр судалгаа хийх үүрэг чиглэлийн хүрээнд Финлянд улсын даатгалын нөхөн төлбөрийн арга туршлага, түүхийг судаллаа.

Монгол Улсаас Америкийн Нэгдсэн Улсад (АНУ) суугаа Онц Бөгөөд Бүрэн Эрхт Элчин Сайд Б.Алтангэрэлд хандан АНУ-ын Хөдөө Аж Ахуйн яамтай ургацын даатгалын талаар уулзалт зохион байгуулах байгуулах тал дээр дэмжлэг авах тухай албан тоотыг боловсруулж хүргүүлсэн болно. /Албан тоотын дугаар 2015 оны 8 дугаар сарын 07-ны өдрийн 03/142/

АНУ-ын Хөдөө Аж Ахуйн яам, Үр тарианы даатгалын компанийн үйл ажиллагаатай танилцах, хамтын ажиллагааны гэрээ байгуулах, Монгол улсад тариалангийн даатгалын тогтолцоог нэвтрүүлэх зорилгоор Тариалангийн тухай хуулийн төслийн Ажлын хэсгийн ахлагч болох Улсын Их Хурлын Дэд дарга Л.Цог, “Хөдөө аж ахуйн давхар даатгал” ХК-ийн Гүйцэтгэх захирал Г.Энхтайван, Төслийн менежер нар Америкийн Нэгдсэн Улсын Вашингтон хотод 2015 оны 9 дүгээр сарын 18-ны өдрөөс 24-ний өдрүүдэд албан томилолтоор ажилласан.

Үрийн тариалангийн даатгалын шинэ бүтээгдэхүүнийг зах зээлд нэвтрүүлэх талаар судалгааны ажлыг эхлүүлээд байгаа бөгөөд Тариалан эрхлэлтийг дэмжих сан, Хүнс, хөдөө аж ахуйн яамны газар тариалангийн бодлогын хэрэгжилтийг зохицуулах газар, Санхүүгийн зохицуулах хороо, Монголын тариаланчдын холбоо, Монголын үр тариа эрхлэгчдийн “Газар тариалан” холбоо, “Монгол даатгал” ХХК, “Мандал женерал даатгал” ХХК, “Бодь даатгал” ХХК, “Соёмбо даатгал” ХХК, “Миг даатгал” ХХК зэрэг байгууллагуудтай мэдээлэл солилцож, уулзалт, ярилцлага зохион явууллаа.

3.2. Үйл ажиллагаа, бүтээгдэхүүнээ олон нийтэд сурталчлан таниулах, түгээх чиглэлээр:

2015 оны МИД-ын борлуулалтын үеэр сурталчилгаа хийх ажлын төлөвлөгөөг Гүйцэтгэх захирлын 2015 оны 04/22 дугаар тушаалаар батлан хэрэгжүүлж байна.



Борлуулалтыг нэмэгдүүлэх, үйл ажиллагааг эрчимжуулэх ажлын хүрээнд цаг тооны бичиг, МИД-ын товхимол, танилцуулга болон малчдад зориулсан сонинг хэвлүүлэн оролцогч даатгалын компаниуд, даатгалын төлөөлөгч нараар дамжуулан олон нийтэд түгээлээ.

“Хөдөө аж ахуйн давхар даатгал” ХК-ийн танилцуулга, гарын авлагыг 20.0 мянган ширхэгийг хэвлэж оролцогч даатгалын компаниудад хүргүүллээ.

“Хөдөө аж ахуйн давхар даатгал” ХК-ийн цахим хуудсыг хийж байршуулав. www.agreinsurance.mn цахим хуудас домайн нэр болон цахим хуудас байршуулах худалдан авалтыг 2014 оны 11 дүгээр сард хийсэн ба түүний загвар, хийц, агуулгын төслийг гаргаж 2014 оны 12 сард хийж дуусгасан. Веб хөгжүүлэх сүүлийн үеийн арга технологуудыг судалж, хэрэглэгчийн интерфэйсийг Bootstrap framework, кодчилолын хэсгийг AngularJS, өгөгдлийн сантай ажиллах хэсгийг ASP.NET Web API ашиглаж хийх нь зүйтэй гэж сонгов. Веб хуудасны нүүр хуудсыг боловсруулсан загварын дагуу хийж дуусгалаа.

Одоогийн байдлаар цаг үеийн мэдээг тухай бүр оруулан шинэчилж, компани болон үйл ажиллагааныхаа талаарх бүхий л мэдээллийг оруулдаг бөгөөд статистик мэдээг харвал өнгөрсөн 6 сарын байдлаар сард дунджаар 270 орчим хэрэглэгч хандаж, хуулийн хуудас болон мэдээний хуудсанд хамгын ихээр нэвтэрсэн байна.

Малын индексжүүлсэн даатгалын тухай болон компанийн тухай мэдээллийг малчдад тухай бүр хүргэж, даатгалын ашиг тусыг сурталчлах, ойлгуулах зорилгоор “Хөдөө аж ахуйн давхар даатгал” ХК нэртэй фэйсбүүк пэйж нээн хөтлөх ажлыг эхлүүлсэн бөгөөд 21 аймгийн олон хандалттай пэйж хуудсуудтай хамтран ажиллах санал тавин, тодорхой хуудсууд дээр өөрсдийн мэдээллийг нийтэлж байна. Компанийн фэйсбүүк хуудснаа “Мал маллах ухаан”, “Амьдралын зөв хэвшилд алхам алхамаар”, “Цаг агаарын мэдээ” зэрэг цуврал мэдээг тогтмол нийтэлж байна.

Малчдыг малаа МИД-д даатгуулахын ач тус, МИД төслийн үйл ажиллагааг “Хөдөө аж ахуйн давхар даатгал” ХК үргэлжлүүлэн хэрэгжүүлж байгаа талаар 42 секунд, 48 секунд, 1 минут 28 секундийн 3-н шторкийг “EYESLENZ” студиэр бэлтгүүлэн хийлгэж 5 дугаар сарын 29-ний өдрөөс эхлэн “Малчин ТВ”-ээр тус бүр өдөрт 2 удаагийн давтамжтайгаар нийт 12 удаа, Мөн 42 секунд, 48 секундын шторкыг MYOHP-T-ээр 6 дугаар сарын 10-ны өдрөөс эхлэн 6 дугаар 30-ны өдөр хүртэл Цагийн хурд мэдээллийн хөтөлбөрийн өмнө өдөр бүр цацаж байна.

Эхний шторкоор “Хөдөө аж ахуйн давхар даатгал” ХК байгуулагдаж, малын индексжүүлсэн даатгал орон даяар үргэлжилж байгаа бөгөөд малчдын эрсдэлийг давхар даатгаж, найдвартай хариуцах эрх зүйн орчин бүрдсэн талаар харуулсан бол удаах шторкт малчдыг малаа даатгалд хамруулахыг уриалан, даатгалын



борлуулалтын хугацаа 6 дугаар сарын 30-ныг хүртэл үргэлжлэхийг малчдад сануулсан.

Цагийн хурд нэвтрүүлгээр нээлттэй хэлэлцүүлэгт компанийн ТУЗ-ийн гишүүн Л.Чой-Иш малын индексжүүлсэн даатгалын тухай ярилцлага өгсөн ба “Малчин ТВ” (“ROYAL TV”, “Seven TV”)-ээр 7 хоногийн мэдээний тоймд хамтран ажиллагч даатгалын компаниудын МИД хариуцсан ажилтнууд, “Хөдөө аж ахуйн давхар даатгал” ХК-ийн Давхар даатгалын газрын дарга Т.Оюунбат нар МИД-ын тухай ярилцлага тус бүр 1 удаа өгсөн нэвтрүүлэг давталттайгаар хүрсэн.

“Ая дууны мэнд” нэвтрүүлгээр ТВ-ийн Notebook дээр малын индексжүүлсэн даатгалд хамрагдах уриа, компанийн логог байрлуулж байв. “Малчны хотонд” нэвтрүүлгээр малын даатгалд идэвхтэй хамрагддаг малчин Б.Анхбаярын гэрт очиж ярилцлага авч 5 дугаар сарын 26, 28-ны өдрүүдэд нэвтрүүллээ.

6 дугаар сарын 20-ны өдөр “Хөдөө аж ахуйн давхар даатгал” ХК-ийн гүйцэтгэх захирал Г.Энхтайван, 6 дугаар сарын 24-ний өдөр “Хөдөө аж ахуйн давхар даатгал” ХК-ийн ажилтан М.Мөнхсувд, 6 дугаар сарын 27-ны өдөр Ц.Мандах-Эрдэнэ нар “Малчин” телевизийн зочны ярилцлагад оролцож “Хөдөө аж ахуйн давхар даатгал” ХК-ийн талаар болон МИД-ын талаар 20 минутын ярилцлага өгч малчидад мэдээлэл, ойлголт өгч ажиллав.

2015 оны 6 дугаар сарын 21-ний өдөр “Хөдөө аж ахуйн давхар даатгал” ХК-ийн ажилтан Ц.Мандах-Эрдэнэ, 6 дугаар сарын 26-ны өдөх Давхар даатгалын газрын дарга Т.Оюунбат нар MYHOPT-ийн “Хурд” мэдээллийн агентлагийн бэлтгэн явуулдаг 10 минутын радиогийн нэвтрүүлэгт оролцож, малын индексжүүлсэн даатгалын тухай мэдээллийг малчдад хүргэсэн ба эдгээр нэвтрүүлгийн дундуур компанийн бэлдсэн шторк, малчдаас авсан богино хэмжээний ярилцлагууд давталттайгаар малчдад хүрсэн.

Хүнс Хөдөө Аж Ахуй Яам болон Монголын Даатгагчдын Холбоон дээр танилцуулгууд тавиад байна. Хуулийн шинэчилсэн найруулгын төслийн Хүнс Хөдөө Аж Ахуйн Яам дээр болсон хэлэлцүүлэгт оролцож танилцуулга хийсэн.

Санхүүгийн зохицуулах хорооноос “Дунд түвшний алдагдлаас хамгаалах сан”-н тухай журам боловсруулсны дагуу дунд түвшний алдагдлаас хамгаалах сангийн тооцооллыг хийж гүйцэтгэх удирдлагад танилцууллаа.

Хөдөө орон нутгийн удирдлагууд болон малчин иргэдэд компанийхаа үйл ажиллагааг сурталчлан таниулах зорилгоор 2015 оны 6 дугаар сарын 08-ны өдрөөс 6 дугаар сарын 19-ний өдрийг хүртэлх томилолтын тайланг бичиж удирдлагуудад танилцуулж хөдөө орон нутгийн томилолтын тайлангуудыг нэгтгэн гаргалаа.



МИД-ын гарын авлага болон бусад танилцуулга, МИД-ын хураамжийн хэмжээг тооцох журам, МИД-ын хамтын эрсдэлийн сангийн хөрөнгө, түүнийг санхүүжүүлэх, зарцуулах журам, Давхар даатгагчийн алдагдлаас хамгаалах санг бүрдүүлэх, зарцуулах, түүнд хяналт тавих журам, “Хөдөө аж ахуйн давхар даатгал” ХК-ийн үйл ажиллагааны тайлан зэргийг англи хэлнээ орчуулан гаргав.

Давхар даатгалын газрынхан олон нийтийн “Эх орон” телевизтэй хамт Архангай аймагт албан томилолтоор ажиллаж, нөхөн төлбөрийг малчдад олгож байгаа тухай бэлдсэн мэдээг youtube.com болон компанийн “Хөдөө аж ахуйн давхар даатгал” ХК нэртэй фэйсбууц цахим хуудас дээр тус тус байршууллаа.

ДӨРӨВ. ХӨРӨНГИЙН УДИРДЛАГА, НӨХӨН ТӨЛБӨРИЙН ҮЙЛ АЖИЛЛАГААНЫ ЧИГЛЭЛЭЭР

4.1. Компанийн сангийн хөрөнгийг удирдах, хөрөнгө оруулалтыг зохион байгуулах чиглэлээр:

Өөрийн хөрөнгийн 15.0 тэрбум төгрөгийн 14.7 тэрбум төгрөгт 16.074 хувийн хүүтэй, 364 хоногийн хугацаатай 17.0 мянган ширхэг Засгийн газрын үнэт цаас (ЗГҮЦ) худалдан авлаа.

Алдагдлаас хамгаалах сангийн 2014 оны эхний 5.0 тэрбум төгрөгийг Санхүүгийн зохицуулах хорооны 2008 оны 270 дугаар тогтоолоор батлагдсан “Давхар даатгагчийн алдагдлаас хамгаалах санг бүрдүүлэх, зарцуулах, түүнд хяналт тавих журам”-д заасны дагуу банкуудаас хадгаламжийн хүүгийн санал авч ТҮЗ-ийн 2015 оны 1 дүгээр сарын 07-ны өдрийн 02/08 дугаар тогтоолын дагуу дараах байдлаар байршууллаа.

- Төрийн банкинд 1.25 тэрбум төгрөгийг жилийн 16.2 хувийн хүүтэйгээр;
- ХААН банкинд 1.25 тэрбум төгрөгийг жилийн 16.5 хувийн хүүтэйгээр;
- Худалдаа хөгжлийн банкинд 1.25 тэрбум төгрөгийг жилийн 14.4 хувийн хүүтэйгээр;
- Хас банкинд 1.25 тэрбум төгрөгийг жилийн 16.3 хувийн хүүтэйгээр тус тус 4 банкинд тэнцүү хувааж, хүүг нь сар бүр үйл ажиллагааны зардлын дансанд шилжүүлэх нөхцөлтэйгээр нэг жилийн хугацаатайгаар байршууллаа.

Алдагдлаас хамгаалах сангийн 2015 оны санхүүжилтийн 2.0 тэрбум төгрөг 2015 оны 3 дугаар сарын 31-ний өдөр улсын төсвөөс санхүүжигдэж ирсэн бөгөөд банкуудаас хадгаламжийн хүүгийн санал авч дараах байдлаар байршууллаа.

- Төрийн банкинд 1.0 тэрбум төгрөгийг жилийн 16.2 хувийн хүүтэйгээр;
- ХААН банкинд 1.0 тэрбум төгрөгийг жилийн 16.5 хувийн хүүтэйгээр тус тус нэг жилийн хугацаатай гэрээ байгуулан байршууллаа.



Банкуудтай байгуулсан хадгаламжийн гэрээний хэрэгжилтэнд хяналт тавьж, хадгаламжийн хүүгийн тооцооллыг хийж танилцуулав. “Хөдөө аж ахуйн давхар даатгал” ХК-ийн алдагдлаас хамгаалах сангийн 7 тэрбум төгрөгийг холбогдох журмын дагуу арилжааны 4 банкинд жилийн 14.4-16.5 хувийн хүүтэйгээр, 1 жилийн хугацаатайгаар хадгаламж хэлбэрээр байршуулсан. Нийт хадгаламжийн хүүгийн орлогод 3 дугаар улирлын байдлаар 702,682,520.55 /долоон зуун хоёр сая зургаан зуун наян хоёр мянга таван зуун хорин төгрөг тавин таван мөнгө/ авахаар тооцож, 2015 оны 9 дүгээр сарын 30-ны өдрийн байдлаар 682,033,992 /Зургаан зуун наян хоёр сая гучин гурван мянга есөн зуун ерэн хоёр/ төгрөгийн хүүгийн орлого оруулсан байна.

Санхүүгийн зохицуулах хорооноос боловсруулсан “Хөдөө аж ахуйн давхар даатгалын нөөц санг бүрдүүлэх зарцуулах, хяналт тавих журам”-ын төсөлтэй танилцаад, санал боловсруулан хүргүүлж холбогдох мэргэжилтэн, дарга нартай уулзалт зохион байгууллаа.

Бонд байршуулах журам, Хадгаламж байршуулах журмын төслийн нийтлэг үндэслэл, хөрөнгийн эх үүсвэр зэрэг бүлгүүдийг боловсруулан удирдлагад танилцуулав.

Санхүүгийн хямралын нөлөөгөөр хөрөнгийн зах зээлийн гол үзүүлэлтүүд буурч, зогсонги байдалд ороод байгаа өнөө үед хөрөнгө оруулалт хийх сувгийг нэмэгдүүлэх судалгааг

1. Хадгаламжийн сертификатыг Банкны хадгаламжтай
2. Банк бус санхүүгийн байгууллагын Итгэлцлийн үйлчилгээг Банкны хадгаламжтай тус тус харьцуулан хийлээ. Хадгаламжийн сертификат, Банк бус санхүүгийн байгууллагын Итгэлцлийн үйлчилгээ нь өөр өөрийн давуу талуудтай боловч сул талууд ихтэй бөгөөд тус компанийн хувьд банкны хадгаламж нь илүү тохиромжтой болохыг дүгнэлтээр нотоллоо.

Бондын гэрээний хэрэгжилтэнд хяналт тавьж, хүүгийн өгөөжийн тооцооллыг хийв. Тус компани эзэмшиж байгаа Засгийн Газрын үнэт цааснаас 2015 оны 3 дугаар улирлын байдлаар **1,761,458,910 /Нэг тэрбум долоон зуун жаран нэгэн сая дөрвөн зуун тавин найман мянга есөн зуун арван/ төгрөгийн хүүгийн орлогыг оруулсан байна.**

Монголын Хөрөнгийн Бирж болон Монгол Банкаар дамжуулан Засгийн Газрын үнэт цаас худалдан авах талаар харьцуулсан судалгаа хийлээ. Судалгаагаар Монгол Банкаар дамжуулан Засгийн Газрын үнэт цаас худалдан авах нь Монголын Хөрөнгийн Биржээр дамжуулан авахаас шимтгэлийн хувьд бага, давуу талтайг тогтоов.



2014 оны борлуулалтын нөхөн төлбөрийн тооцоолол, олголттой танилцаж судалгаа хийв. 2014 оны борлуулалтын нөхөн төлбөрт 7 аймгийн **1291** малчин өрхөд **62,846,217** /жаран хоёр сая найман зуун дөчин зургаан мянга хоёр зуун арван долоон/ төгрөгийн нөхөн төлбөр олгогдох тооцоо гарсан байна. Өвөрхангай, Өмнөговь, Төв аймгуудад анх удаа нөхөн төлбөрийн тохиолдол гарч байгаа бөгөөд Баянхонгор аймагт хамгийн их **48,911,456** /дөчин найман сая есөн зуун арван нэгэн мянга дөрвөн зуун тавин зургаан/ төгрөгийн нөхөн төлбөр гарсан.

2015 оны хувьд **10,317** /арван мянга гурван зуун арван долоо/ малчин өрх даатгуулан **1,313,446,762** /нэг тэрбум гурван зуун арван гурван сая дөрвөн зуун дөчин зургаан мянга долоон зуун жаран хоёр/ төгрөгийн даатгалын хураамж авсан байна.

4.2. Бусад ажлын чиглэлээр:

Гүйцэтгэх захирлын 2015 оны 8 дугаар сарын 05-ны өдрийн 04/49 дугаар тушаалын дагуу Хөрөнгийн удирдлага нөхөн төлбөрийн газрын даргаар ахлуулсан ажлын хэсэг Гүйцэтгэх захирлын баталсан шалгалтын удирдамжийн дагуу 2015 оны 8 дугаар сарын 05-ны өдрөөс 15-ны өдрүүдэд Компанийн 2014 оны 4 дүгээр улирал, 2015 оны 1, 2 дугаар улирлын санхүүгийн тайлан, нягтлан бодох бүртгэлийн анхан шатны баримт бичгийн бүрдэл, компанийн үйл ажиллагааны төлөвлөгөө, үүрэг даалгаврын хэрэгжилтэд хяналт шинжилгээ хийж гүйцэтгэлээ. Шалгалтыг хийж гүйцэтгэхдээ холбогдох хууль тогтоомж, шалгалт хийх удирдамжийн дагуу ажиллаж цаашид авах арга хэмжээ, санал, зөвлөмжийг боловсрууллаа.

МИД болон даатгалын нөхөн төлбөр, сангүудын талаар ерөнхий ойлголт өгч ажилчдын чадавхийг бэхжүүлэх сургалтанд оролцож, Дэлхийн банкны зөвлөхүүдийн явуулсан эрсдэл тооцох загварын сургалтанд хамрагдav.

ТАВ. САНХҮҮ, УДИРДЛАГЫН ЧИГЛЭЛЭЭР

5.1. Компанийн өдөр тутмын үйл ажиллагааг хэвийн явуулах нөхцлийг бүрдүүлэх талаар:

Гүйцэтгэх захирлын 2015 оны 3 дугаар сарын 30-ны өдрийн 04/13 дугаар тушаалаар компанийн үйл ажиллагаанд мөрдөгдөх журмын төсөл боловсруулан батлах, Санхүүгийн зохицуулах хорооноос батлах зарим журмын төсөлд санал өгөх, санаачлах, МИД-ын 2015 оны борлуулалтын улиралд хийгдэх ажлын жагсаалтыг баталж хэрэгжүүлэн ажиллаа.

Өдөр тутмын үйл ажиллагаандаа Гүйцэтгэх захирлын 2015 оны 3 дугаар сарын 16-ны өдрийн 04/12 дугаар тушаалаар батлагдсан компанийн хөдөлмөрийн



дотоод журмыг мөрдөн ажиллаж байгаа бөгөөд компанийн хувийн хэрэгт байвал зохих баримт бичгийн жагсаалт гарган баримт бичиг нэг бүрийн бүртгэл хөтлөх, хадгалах албан тушаалтнуудыг үүрэгжүүлэн ажиллуулж байна.

Компанийн 2015 оны эхний хагас жилийн ажлын тайлан, 2 дугаар хагас жилд хийж хэрэгжүүлэх ажлын жагсаалтыг танилцуулах зэрэг асуудалтай холбоотой тооцоо, судалгаа, санал, ажлын тайлан зэргийг ТҮЗ-ийн хурлаас гарах тогтоолын төслийн хамт бэлтгэн удирдлагуудаар хянуулж, ТҮЗ-ийн нарийн бичгийн дарга, ТҮЗ-ийн гишүүдэд хүргүүлэн танилцуулах зэргээр ТҮЗ-ийн хурлын бэлтгэл ажлыг цаг тухай бүрд нь хангаж ажиллаа.

Байгууллагын албан хэрэг хөтлөлтийн стандартыг үйл ажиллагаандаа мөрдлөг болгон ажиллаа. Албан бичиг хэргийн стандартыг мөрдөж ажиллах, байгууллагын албан бичиг боловсруулалтыг сайжруулах зорилгоор дараах зарчмыг баримтлан хэвшүүлж байна. Үүнд: Гүйцэтгэх захирлын тушаал, албан бичгийг боловсруулсан ажилтан боловсруулсан бичгээ Ерөнхий хуульч, Гүйцэтгэх захирлын орлогч, Гүйцэтгэх захирал гэсэн дарааллаар танилцуулж хянуулаад зөвхөн Захиргааны ажилтанаар хэвлэмэл хуудсан дээр буулгуулж байх;

Байгууллагын албан бичгийн боловсруулалтын дардас хийлгэн архивт үлдэх хувийн ар талд дарж баталгаажуулдаг боллоо. Гүйцэтгэх захирлын тушаал, ирсэн, явсан бичгийн бүртгэлийг хавтасаар болон цахим хэлбэрээр хөтөлж байна. Мөн удирдлагуудад зориулсан албан бичгийн дундын сан, нийт ажилтнуудад зориулсан албан бичгийн дундын санг бий болгон холбогдох албан бичгүүдийг тавьж танилцуулж байна.

Удирдлагатай хийх уулзалтын хүсэлтийг цаг тухай бүрт нь хүлээн авч зохион байгуулж байна. 7 хоног бүрийн Даваа гарагт болдог Шуурхай хуралдааны тэмдэглэл хөтөлж, өгөгдсөн үүрэг даалгаврын жагсаалтыг хүснэгтээр гарган холбогдох албан тушаалтнуудад хүргүүлж, биелэлтийг нь дараагийн шуурхайгийн өмнө удирдлагад танилцуулж байна. Мөн удирдлагуудын болон компанийн ажилтнуудын албан томилолтоор явах зардлын тооцоог хийж, хөтөлбөр, явах маршрутыг гарган батлуулж ажиллаа. Шуурхай хуралдааны мэдээллийг албан бичгийн сангийн дундын сангаар ажилтнуудад мэдээлж байна.

Эхний хагас жилийн байдлаар компанийн хэмжээнд дагаж мөрдөх дүрэм, журам, заавар, ажлын төлөвлөгөөтэй холбоотой 8, хөрөнгө зарцуулахтай холбоотой 16, албан тушаалтан томилохтой холбоотой 26, бусад чиглэлээр 13, нийт 63 Гүйцэтгэх захирлын тушаал батлагдаж, үйл ажиллагааны чиглэл хүрээнд 193 албан бичгийг боловсруулан гаргасан.

Тайлант хугацаанд 24 ажилтантай хөдөлмөрийн гэрээ байгуулан, ажилтан тус бүр дээр хувийн хэрэг нээн хөтөлж, ажилтнуудад ажлын үнэмлэх, нэрийн хуудсыг загвар гарган хэвлүүлж өглөө.



Санхүү, удирдлагын газрын дарга, нягтлан бодогч, захиргааны ажилтан, гадаад хамтын ажиллагааны ажилтан, мэдээлэл технологийн ажилтан, олон нийтийн асуудал хариуцсан ажилтан, дотоод хяналтын ажилтан зэрэг Санхүү, удирдлагын газрын ажилтнуудын ажлын байрны тодорхойлолтыг боловсруулан Ерөнхий хуульчаар хянуулж, Гүйцэтгэх захирлаар батлууллаа. Мөн бусад Газрын ажилтнуудын ажлын байрны тодорхойлолтын төслийг гарган хүргүүлсэн.

Компанийн ажилтнуудын ёс зүйн дүрэм, мэдээллийн аюулгүй байдлыг хангах журам зэргийг нийт ажилтнуудын саналыг авч боловсруулан Гүйцэтгэх захирлын тушаалаар батлууллаа. Ажилтнуудын саналыг авч хэлэлцэн компанийн Ёс зүйн хороог 5 хүний бүрэлдэхүүнтэйгээр байгуулан ажиллуулж байна.

Цагийн бүртгэлийг тогтмол хөтөлж, сарын цалинг бодохдоо тооцож байна. Ажлын цагийн цахим бүртгэлийн тоног төхөөрөмж, программыг худалдан авч ашиглаж байна.

Гүйцэтгэх захирлын 2015 оны 6 дугаар сарын 26-ны өдрийн 04/39 тоот Байгууллагын дотоод журмыг мөрдөж хэвшүүлэх тухай тушаалыг хэрэгжүүлэх талаар ажилтнуудад мэдээлэл хүргэж, биелэлтийг нь 7 хоног бүр шуурхайгийн тайланд мэдээлж байна. Компанийн хөдөлмөрийн дотоод журмын 2.3.5 дахь заалтын хүрээнд ажилтан бүр 7 хоногийн ажлын төлөвлөгөө гарган хэрэгжилтийг ханган ажиллаж байна.

Компанийн Хувийн ашиг сонирхлын болон хөрөнгө оруулгын мэдүүлгийг гаргаж өгөх албан тушаалтнуудын жагсаалтыг баталж холбогдох хуулийн хэрэгжилтэд хяналт тавих, ХАСХОМ-ийг бүртгэх албан тушаалтныг томилон ажиллуулж байна.

Дэлхийн Банкнаас уригдан ирж ажилласан зөвлөх Холи Баккегийн гарын авлага боловсруулах ажлын хүрээнд Сангийн сайд, Санхүүгийн зохицуулах хорооны даргын 2015 оны 78/30 дугаар хамтарсан тушаалаар батлагдсан “Малын индексжүүлсэн даатгалын хураамжийн хэмжээг тооцох журам” болон 2015 оны 91/110 дугаар хамтарсан тушаалаар батласан “Малын индексжүүлсэн даатгалын хамтын эрсдэлийн сангийн хөрөнгө, түүнийг санхүүжүүлэх, зарцуулах журам”-ыг тус тус орчууллаа.

Тус компанийн банкинд байршиж буй нөөц сангийн талаар танилцуулга боловсруулан, хамtran ажиллаж буй банкуудад ажилтнуудын нийгмийн асуудлыг шийдвэрлэх талаар хамtran ажиллах саналыг хүргүүлээд байна. Энэ ажлын хүрээнд Төрийн банкны ШУТИС салбарын удирдлага, эдийн засагч нар ирж компанийн ажилтнуудад мэдээлэл өгсөн.

Ажилтнуудыг эрүүл мэндийн урьдчилан сэргийлэх нарийн мэргэжлийн эмчийн үзлэгт хамруулах зорилгоор “Сонгдо”, “Гурван гал”, “Интермед”, “Грандмед”, 1-р эмнэлэг, 3-р эмнэлэгүүдийн багцыг судлан Нэгдсэн 1-р эмнэлэг, 3-



р эмнэлэг зэргийг сонгон гэрээ байгуулан үзлэгт хамруулсан. Эхний ээлжинд 10 ажилтныг 8 дугаар сарын 27-29-ний өдрүүдэд 1-р эмнэлэгт, 2-р ээлжийн 15 ажилтныг 10 дугаар сард 3-р эмнэлт үзлэгт хамрууллаа.

Ажилтнуудын цагийг зөв боловсон өнгөрүүлэхтэй холбоотойгоор “Голден Жем” фитнестэй гэрээ хийн 2 эрх аван хичээллэж эхэллээ. Мөн 8 дугаар сард компанийн ажилтнууд 3 удаа спорт зааланд тоглолт зохион байгууллаа. Хэд хэдэн байгууллагатай ярилцан судалгаа явуулж, цагийн хуваарь болон өдрийг харгалзан “Өсвөрийн Зохион Бүтээгч” лаборатори сургуультай спорт заалыг нь 2015 он дуустал ашиглах гэрээ байгууллаа.

5.2. Компанийн санхүүгийн үйл ажиллагааг удирдан зохион байгуулж ажиллалаа.

Тайлант хугацаанд 652.2 сая төгрөгийн хүүгийн орлого, 633.2 сая төгрөгийн давхар даатгалын орлогод тооцсон хураамж, нийт 1,285.4 сая төгрөгийн орлого бүрдүүлж, үйл ажиллагааны зардалд 563.0 сая төгрөг, хөрөнгө оруулалтын зардалд 190.5 сая төгрөг зарцуулсан байна.

2014 оны санхүүгийн тайланд 2015 оны 3 дугаар сарын 13-ны өдрөөс 20-ны өдрүүдэд “Алаг уул аудит” ХХК-аар иж бүрэн аудит хийлгэсэн ба аудитлагдсан тайланг компанийн ТҮЗ-д танилцуулж холбогдох хууль, журмын дагуу тогтоосон хугацаанд Сангийн яам, Санхүүгийн зохицуулах хороо болон Сүхбаатар дүүргийн санхүү, төрийн сан, татварын хэлтэст хүргүүллээ.

2015 оны эхний хагас жилийн санхүүгийн тайланг бэлтгэн, Сүхбаатар дүүргийн санхүүгийн хэлтэст 7 дугаар сарын 10-ны өдөр, Сангийн Яамны НББ-ийн болон санхүүжилт тайлан бүртгэлийн хэлтэс, Санхүүгийн Зохицуулах Хороонд 7 сарын 20-ны өдөр тус тус хүргүүлсэн байна.

Компанийн нягтлан бодох бүртгэлийн бодлогын баримт бичгийн төслийг боловсруулан Сангийн яамны НББ-ийн бодлогын газарт санал авахаар хүргүүллээ.

Компанийн үйл ажиллагааны зардлын холбогдох тооцооллыг цаг тухай бүрт нь хийж, цалин, татвар, НДШ-ийг шилжүүлэн ажиллаж байна. НДШ-ийн тайланг бэлтгэн цахимаар болон цаасаар илгээж, НД-ын дэвтрийн баталгаажилтыг хийлгэхээр бэлэн болголоо.

Сангийн яамны 2015 оны 5 дугаар сарын 04-ний өдрийн А/99 тоот тушаалаар МИД төслийн үйл ажиллагаа, эд хөрөнгийг “Хөдөө аж ахуйн давхар даатгал” ХК-д шилжүүлэх Ажлын хэсэг байгуулагдаж Дэлхийн банкны Ажлын хэсгийн тайланд нэмэлт, өөрчлөлт оруулан Дэлхийн банкинд хүргүүлсэн ба Дэлхийн банкаас өгсөн чиглэлийн дагуу шилжүүлэх төлөвлөгөөг боловсруулан



хэрэгжүүлсэн. Энэхүү ажлын хүрээнд МИД төслөөс 6 ажилтан, 1 сервэр, бусад эд хөрөнгийг тус компанийд шилжүүлэн авлаа.

Компанийн вэб сайт дээр 2014 оны санхүүгийн тайлан, аудитын дүгнэлт, 2015 оны төсөв, худалдан авах ажиллагааны дэлгэрэнгүй төлөвлөгөө, 2015 оны хагас жилийн төсвийн гүйцэтгэл, 2015 оны эхний хагас жилийн санхүүгийн тайлан зэргийг байршууллаа. Мөн 5 сая төгрөгөөс дээш үнийн дүнтэй худалдан авалт, цалингаас бусад 5 сая төгрөгөөс дээш орлого, зарлагын гүйлгээг Шилэн дансны тухай хуулийн хүрээнд байршуулж байна.

“Ординат” ХХК-тай гэрээ байгуулан “Юникус” нэrtтэй санхүү, цагийн бүртгэлийн программыг худалдан авалтыг хийлзээ. Программын тохируулгыг хийснээр ажилд бэлэн болголоо.

Гүйцэтгэх захирлын 2015.08.05-ны 04/49 тоот тушаалаар байгуулагдсан Дотоод хяналтын ажлын хэсэг компанийн эхний хагас жилийн тайлан, нягтлан бodoх бүртгэлийн анхан шатны баримт бичгийн бүрдэлд хяналт шинжилгээ хийх ажлыг дуусгав. Компанийн үйл ажиллагаа болон ажлын төлөвлөгөө, үүрэг даалгаврын хэрэгжилтэд хяналт шинжилгээ хийлзээ. Ажлын хэсгийн дүгнэлтэнд тулгуурлан баримт, бичгийн бүрдүүлэлт, эмхлэх цэгцлэх ажлыг хийж хэрэгжүүллээ.

5.3. Эд хөрөнгийн худалдан авалт, хадгалалт, хамгаалалт, бүртгэлтэй холбоотой ажлын чиглэлээр:

2015 оны худалдан авалтын төлөвлөгөөний дагуу 124.4 сая төгрөгийн бараа, 9.7 сая төгрөгийн ажил, 45.3 сая төгрөгийн үйлчилгээ худалдан авах үйл ажиллагааг холбогдох хууль тогтоомжийн дагуу гүйцэтгэлээ.

Орлого зарлагын баримт болон шаардах хуудас кассын орлого, зарлагын баримтыг 1, 2-р гарын үсэгтэй зөвшөөрлийн дагуу бараа материал эд зүйлсийг тавьж олгож байна. Хөдөө орон нутагт ажиллах компанийн ажилтнуудад зориулсан замын унаад суусан бичиг, жолооч нарт зориулсан жолоочийн тооцооны хуудасны загваруудыг гаргалаа.

Өмч хамгаалах зөвлөл байгуулах, компанийн эд хөрөнгийн тооллого явуулах бүрэлдэхүүнийг Гүйцэтгэх захирлын 04/50 тоот тушаалаар байгууллаа. Эд хөрөнгийн тооллогыг 2015 оны 8 дугаар сарын 05-07-ны өдрүүдэд явууллаа. Үндсэн болон эргэлтийн хөрөнгийн хадгалалт, хамгаалалт, зарцуулалт, хөдөлгөөн, өөрчлөлтийг журмын дагуу хийж гүйцэтгэлээ. Компанийн эд хөрөнгө, компьютер, техник тоног төхөөрөмжийг хүн нэг бүр дээр бүртгэлийн карт нээн хөтөлж хүлээлгэн өгөв.



Худалдан авах ажиллагааны сургалтанд хамрагдсан 5 ажилтан 2015 оны 8 дугаар сарын 13-нд шалгалтанд хамрагдан тэнцэж тендер шалгаруулалтын Үнэлгээний хороо байгуулах бүрэлдэхүүн бэлэн болов.

Гүйцэтгэх захирлын 2015.08.17-ны өдрийн 04/54 тоот тушаалаар байгуулагдсан Бартаат зам туулах чадвартай суудлын автомашин худалдан авах тендер шалгаруулалтын Үнэлгээний хороо тендерийн бичиг баримтыг боловсруулах, тендерийн зарыг үндэсний өдөр тутмын сонинд тавих зэрэг тендер шалгаруулалтын бүх үйл ажиллагааг амжилттай зохион явууллаа. Үнэлгээний хорооны хурлыг 2015.09.21-ний өдөр хийж Бартаат зам туулах чадвартай суудлын автомашин нийлүүлэгчээр “Таван Богд” ХХК-ийг шалгарууллаа.

Компанийн үйл ажиллагааг тогтвортжуулах зорилгоор 186 м² талбай бүхий ажлын байрыг түрээслэн тусгай өрөө гаргах, албан хэрэгцээний суудлын автомашин, компьютер, техник хэрэгсэл, ширээ сандал худалдан авах, интернет сүлжээнд холбогдох зэрэг бараа, ажил, үйлчилгээ худалдан авч ажлын байрны нөхцөл, хангамжийг шийдвэрлэж, ажилтнуудыг ажиллах хэвийн нөхцөл бололцоогоор хангалаа.

Компанийн ажилтнуудыг бичиг, хэргийн шаардлагатай хэрэгслэлээр хангах, цэвэр ус, цай, кофе, бусад материалаар тогтмол хангаж байна. Ажлын байрны цэвэрлэгээг түрээслүүлэгчийн цэвэрлэгч нартай тохиролцон хийлгэж байна. Удирдлагуудын өрөө болон заалыг цэцэгжүүлэх ажлыг хийж хэрэгжүүллээ.

5.4. Компанийн компьютер, техник, тоног төхөөрөмж, сүлжээний хэвийн ажиллагааг хангах чиглэлээр:

Компанийн цахим хуудасны холболтыг Сангийн яамны цахим хуудсанд байршуулах, Шилэн дансны мэдээллийг оруулах хэрэглэгчийн эрхийг үүсгэх, шилэн дансны мэдээллийг холбогдох хууль журмын дагуу хугацаанд нь тогтмол шинэчлэн оруулах, ажилтнуудын компьютерыг дотоод сүлжээнд холбох, Төсөл хэрэгжүүлэх нэгжээс ирсэн сервер компьютерыг ажилд бэлтгэж өгөгдлийн сан болон программын хэсгийг тусад нь салгаж виртуал сервер үүсгэн байрлуулах, ажлын хэвлэгчийг сүлжээний орчинд ажилладаг хэвлэгчээр сольж ажилд бэлтгэх, дотоод болон гадаад сүлжээнд гарсан доголдлын шалтгааныг тогтоох, ажилтнуудын компьютерт антивирусийн программ, ажлын программ, дотоод сүлжээний мессенжер, и-мэйлийн программ зэрэг хэрэгцээт программуудыг суулган тохирулж өгөх зэргээр хэвийн ажиллагааг хангаж ажиллаа. Мөн дундын сангийн серверийг ажилд бэлтгэн хэрэглэгчид болон хэрэглэгчийн эрхийн тохиргоо, хавтаснуудын тохиргоог үүсгэж ажилчдын компьютерт тохирулж өгсөн.



5.5. Уулзалт, сургалт, зөвлөгөөн зохион байгуулах, ажилтнуудаа чадавхжуулах чиглэлээр:

Санхүүгийн зохицуулах хорооноос зохион байгуулдаг төлөөлөгчийн эрх олгох сургалтанд МИД-ын тухай ойлголтууд, даатгалын төлөөлөгчийн баримтлах дүрэм, журам, МИД-ын хэрэгжилт, түүний үр дүн, жишээ бодлого, байнга тохиолддог бэрхшээлүүд, түүнийг шийдэрлэх арга зам, 2015 онд хийгдэх үйл ажиллагаануудын талаар бэлдсэн сургалтын материалыг өгч танилцуулсан. Сургалтанд оролцогчид МИД-ын болон ердийн даатгалын сургалтанд сууж, нэгдсэн 1 шалгалт өгсөн бөгөөд нийт 21 аймаг, Улаанбаатар хотын 1629 төлөөлөгч МИД-ыг борлуулалт хийх эрх авсан байна.

Компанийн ажилтнуудыг чадавхжуулах сургалтыг 2015 оны 4 дүгээр сарын 18-нд Санхүүгийн зохицуулах хороо, МИД төсөл хэрэгжүүлэх нэгжтэй хамтран зохион байгуулж сургалтанд нийт 22 ажилтан бусад этгээд хамрагдсан байна.

“Худалдан авах ажиллагааны онолын үндэс, олон улсын туршлага, эрх зүйн орчин” сэдэвт сургалтанд 5 хүн, Компанийн нягтлан бодогч 5 дугаар сарын 22-нд Төрийн банкнаас зохион явуулсан “Бүтээлч сэтгэлгээ ба хэлэлцээр хийх ур чадвар” сургалтанд тус тус хамрагдav.

Мэдээллийн аюулгүй байдлыг хангах журам, Ёс зүйн дүрэм зэрэг шинээр батлагдсан дүрэм, журмуудыг танилцуулах зорилгоор компанийн ажилтнуудын дунд 2015 оны 07 дугаар сарын 30-ны өдөр сургалт, семинар зохион байгууллаа. Сургалт, семинарын дараа ажилтнуудын идэвхтэй амралтын хүрээнд олон талт арга хэмжээг зохион явууллаа.

“ХӨДӨӨ АЖ АХУЙН ДАВХАР ДААТГАЛ” ХК

14210, Монгол улс, Улаанбаатар хот,

Сүхбаатар дүүрэг, 1-р хороо, Энх тайваны өргөн чөлөө-23,

“UBH center”, 14 давхар, 1406 тоот

Э-шуудан: info@agreinsurance.mn

Вэб: www.agreinsurance.mn

Утас: 75770002

Факс: 75770003